

NORWEGIA & SVECIA.

102

sedes Archiepiscopi & Scholæ publicæ. Multa hic videre est Regum Sueciæ sepulchra, magnifice splendideque extructa. Et *Stokholmia* Emporium nobile & sedes regia, munita tum natura tum arte: Sita est in plaudibus instar Venetiarum, nomenque ex eo habet quod palis fundata sit. Aditus ad eam ex mari Eoo per angustas fauces *Meleri* profundissimo alveo patet: eaque capacitate mare admittit, ut naves onerariæ passis velis in portum facile invehantur. Verum turris *Waxholmia* & è regione *Digna*, ita ingressum arctant, ut invitis Regiis Præfectis, ibidem excubantibus nullæ ingredi aut egredi naves possint. Meridianæ *Meleri* ripæ *Sudermannia* Opida *Tolgo*, *Strengenes* Episcopi sedes & arx *Griphisholmia* adjacent. *Nericia* *Orebo* arx præcipua est. Occasum versus *Vestmannia* regio & urbes *Arosia* (ad quam Argenti Metalla sunt præstantissima: adeo ut artifices ex quindecim Argenti libris unam Auri extrahere dicantur) & *Arboga* lacui incumbunt, inde versus Occasum æstivum *Dalia* Occidua, *Eoa* & *Solus Dalia*, a lacu *Solion* sic denominata, jacent, quæ tres Provinciæ una cum majore parte montanarum Provinciarum, sub Episcopi *Sarosiensis* inspectione continentur. Ibi venæ minerales, quæ Ortum versus ad Mare Balthicum, & sinus *Helsingiæ* & *Giossens* sese extendunt, Occasum versus per *Wermelandiam* ad Oceanum Occidentalem fere nusquam interruptæ, quin ibi Metalli aliquid, Argenti, Cupri, Plumbi, Ferri, Chalybis sive Sulphuris effodiatur, porrectæ sunt. Oplandiæ versus Boream finitima *Gestricia*, inde *Helsingia*, post *Midelpadia*, ulterius *Angermannia* Borea & Notia. Inde *Nort-Botnia* in *Vest-Botniam* & *Ost-Botniam*, divisa, longo terrarum tractu diffusa Provinciæ. Tandem Boream versus *Scriesfinnia*, *Lapponia*, *Biarmia*. Has proprias Regni Suecorum provincias antiquas, plerasque Sinus *Botnicus* ex Balthico in Boream recta *Toroniam*, & ultra circulum Arcticum porrectus a *Finlandia* amplissima Peninsula dirimit: cujus apicem *Alandia* Insulæ versus Meridiem & *Abo* Episcopi sedes; at versus Boream *Viburgum* tenent. Dividitur *Finlandia* in Notiam & Boream, quibus *Natagundia* superior & inferior, *Savolosa*, *Tavaestia*, *Finnonica* regiones late patentibus adjunctæ sunt. Inde trans Finnicum sinum *Corelia* cujus *Hexholm*, *Kexholm* forte, Metropolis est, & Meridiem versus *Votichonia*, in qua *Lovari* fluminis *Novogardiam* allabentis, quem *Nyaccolæ* vocant, ostium: supra Coporam *Ingria*, cujus *Jamagrod* & *Solonseia*, cujus *Ivanogrod* è regione *Nervæ*, arces sunt præcipuæ. His contiguæ versus Meridiem sunt *Livonica* *Esthonum* provinciæ, a *Nervæ* ad *Revaliam* & *Prenoviam* usque pertinentes. *Allantacia*, cujus *Nervæ*: *VVria*, cujus *VVesemberga*: *VVichia*, cujus *Habsai* Episcopi sedes & Insula *Dagen*. Quæ regiones trans Finnicum sinum pleræque omnes, Ioannis tertii Regis virtute ac felicitate regno Suecorum nostra memoria anno M.DL.XXXI, primum accreverunt, cum *Revalia* spôte *Erico XIII* Suecorum Regi se subiecisset, anno M. D. LXI. Aquis gaudet Suecia, piscosis rivulis plurimis regionem perlabantibus, Interfluvios autem *Lusen* *Delecarlia*. Terra ipsa aspera, Montibus Silvisque frequentissima. Subditi sunt partim Ecclesiastici, partim Laici, eiq; aut nobiles aut Plebei. Inter nobiles summus est Eques Auratus, a Rege virtutis ergo solemniter creatus. Præfecturæ per Indigenas administrantur. Incolæ porro si cum Germanis conferantur, civilitatis minus, industriæ certe ingeniique fortasse plus habent. Vtpote quovis eorum rustico, omnia pane opificia, artesque mechanicas callente.

Flumina.
Montes & Silva.
ve.
Senatores.
Mores.

N ii

DANIA